

營建之役已為過半而卿等身為提調不為盡心監董必欲防
塞停役後已不幸甚矣予亦何以知之自都監詳議以處勿為
更煩○夜南方有氣如火光又有赤氣直立長可三四尺廣可
尺餘良久乃滅五更密雲彗星不得看候○丙午合司秘密連
啓弘文館連劄請亟下西宮貶損節目以完廢黜之典廷珣
按律不從又啓請李沂邊遠圍籬安置賊悵嚴鞠正刑不從○
傳曰昭訓處女單子各別督捧下教非一部官亦已推考而歲
聿將換無意加捧該官之不職極為可駭漢城府色官並推考
使之更加檢飭各部督捧以八○傳曰非但各處修理未及前
有迎勅之禮劉差官善辭挽留于平壤黃州開城等處而終
不得還送則過來月初六日後入京事察為之意京畿黃迤平
安監司開城留守處遣宣傳官下諭○傳曰劉差官以我國人
入徃至為原任千總與唐人不同此時出來極為可憂係干秘
密及推鞠等一切勿出朝報各別察為○右議政朴弘耆上劄
辭職荅曰辭章縑至予甚恠焉廷獄尚未完畢前囚罪人亦多
議處之事則不可謂完獄而辭退也明矣况前頭大禮不遠差